

JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 8 Februari 2022	
1	-Ayam pencek jadi pilihan -Harga ayam RM8.90 sekilogram: pengguna lega -Cari penyelesaian terbaik babit isu bekalan, harga ayam
2	Elak manipulasi harga
3	-Harga dedak ayam naik melambung -Pemborong Cuma dapat telur gred E dan F sahaja -Pengusaha kurangkan bekalan ayam bagi tampung kos operasi
4	Ketiadaan stok telur ayam tidak sepatutnya berlaku
5	Bijak urus sisa buangan haiwan
6	Kerajaan cakna keluhan rakyat
7	-Rugi 200 juta sehari -Tak berbaloi jual ayam RM8.90 sekilo -Pemborong ayam tutup operasi gara-gara tiada bekalan
8	Kronologi kartel daging sejuk beku
9	-Daging import dikawal ketat -Daging sejuk beku diperiksa ketat -Sorok daging di sebalik produk lain antara modus operasi penyeludup
10	Babi banyak di Melaka sebab penjajah
11	Penternak bakal gulung tikar
12	-Ayam Katik bernilai tinggi -Kembali jadi fenomena
13	MBSA holds seminar to educate on animal welfare

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

BEKALAN AYAM SEGAR BERKURANGAN

Ayam penceen jadi pilihan

RM8

Harga seekor
ayam penceen

Oleh Baharom Bakar
am@hmetro.com.my

Kuala Terengganu

Ayam penceen yang dijual pada harga RM8 seekor kini menjadi pilihan pengguna selepas berlaku kekurangan bekalan

ayam segar di negeri ini sejak kebelakangan ini.

Peniaga ayam, Rosshidawani Ruslee, 36, dari Kampung Kubang Parit, di sini, berkata dia tidak mampu untuk memenuhi permintaan pelanggannya berikutan bekalan ayam segar yang diterima daripada

pembekal berkurangan.

Katanya, walaupun harga ayam segar diturunkan kepada RM8.90 satu kilogram (kg), tetapi bekalan ayam segar sukar diperoleh.

"Kami hanya memperoleh bekalan ayam segar daripada pemborong antara 50kg dan 80kg sehari se-

dangkan pesanan dibuat sebanyak 150kg.

"Bekalan diperoleh tidak mampu untuk memenuhi permintaan pelanggan terutama pengusaha kantin asrama sekolah dan beberapa restoran," katanya ketika ditemui di gerainya di Kampung Gong Pauh, Wa-

kaf Mempelam di sini, semalam.

Katanya, penjualan ayam segar juga terpaksa dihadkan hanya dua ekor untuk seorang pelanggan dan kini ayam penceen pula mendapat permintaan tinggi daripada pelanggan.

"Sejak kekurangan ayam

segar lebih satu minggu lalu, ayam penceen mendapat permintaan tinggi daripada pelanggan. Kami juga terpaksa membuat tempahan antara 100 serta 120 ekor ayam penceen sehari," katanya.

Johor Bahru: Penetapan harga runcit ayam standard pada RM8.90 sekilogram dibuat kerajaan yang ditampung melalui subsidi sehingga kos pengeluaran ayam kembali rendah dan stabil di harga serta melegakan pengguna.

Malah, orang ramai berharap supaya subsidi selama 121 hari sehingga 5 Jun itu diteruskan sehingga harga bahan mentah itu benar-benar stabil.


Pekerja swasta, Nor Azura Mohd Amin, 34, berkata langkah kerajaan menstabilkan harga ayam menerusi subsidi itu adalah usaha terpuji yang membuktikan keuh kesah rakyat didengari.

"Kenakan harga ayam sebelum ini mencecah hampir RM10.50 sekilogram amat membebankan pengguna berikutan ia antara bahan mentah yang menjadi pilihan kebanyakan keluarga.

"Apabila harga siling ayam standard ditetapkan pada RM8.90 sekilogram, ia sedikit sebanyak melegakan pengguna berikutan hampir setiap bulan kenaikan harga bahan mentah itu berlaku.

"Sebagai pengguna saya berharap supaya harga siling ayam diturunkan lagi ke paras RM7.50 bagi meredakan tekanan namun jika ia tidak dapat dilakukan, subsidi serta harga siling itu perlu dilanjutkan lebih lama," katanya.

Rabu lalu, Kementerian



TINJAUAN di Pasar Chow Kit mendapati semua peniaga ayam mematuhi pelaksanaan harga maksimum runcit bagi ayam standard RM8.90 sekilogram. - Gambar NSTP/FATHIL ASRI

Harga ayam RM8.90 sekilogram: Pengguna lega



Sebagai pengguna saya berharap supaya harga siling ayam diturunkan lagi ke paras RM7.50 bagi meredakan tekanan

Nor Azura

Perdagangan Dalam Negeri dan Hal Ehwal Pengguna (KPDNHEP) menetapkan harga siling runcit ayam standard RM8.90 sekilogram di Seremban sejak Sabtu lalu.

Menterinya, Datuk Seri Alexander Nanta Linggi dilaporkan berkata, ia berkuat kuasa selepas berakhir Skim Harga Maksimum Kuluarga Malaysia (SHMKM)

pada Jumaat lalu, dengan harga itu akan kekal sehingga 5 Jun 2022 iaitu selama 121 hari bagi menjamin kestabilan harga ayam segar di pasaran.

Sekiranya tiada intervensi daripada kerajaan, harga runcit ayam segar di pasaran masa ini akan melebihi RM10 sekilogram.

Dalam pada itu, peniaga makanan, Mohamad Izam

Seran, 50, turut memuji langkah kerajaan menstabilkan harga ayam standard di pasaran.

"Peniaga makanan yang juga pengguna utama ayam turut terkejut apabila harga mendadak naik kepada hampir RM11 sekilogram sebelum ini.

"Saya terpaksa menaikkan harga makanan berasaskan ayam berikutan tersepit de-

ngan harga yang tinggi, namun langkah menstabilkan harga oleh kerajaan melegakan peniaga dan mungkin harga makanan akan diturunkan sedikit.

"Saya berharap supaya harga siling ayam diturunkan lagi berikutan menu ayam menjadi pilihan utama pelanggan kerana harganya yang mampu milik," katanya.

Cari penyelesaian terbaik babit isu bekalan, harga ayam

Seremban: Kementerian Pertanian dan Industri Makanan (Mafi) perlu mencari jalan penyelesaian terbaik berdasarkan situasi 'menang-menang' terhadap isu bekalan dan harga ayam mentah di negara ini.

Menteri Besar Negeri Sembilan, Datuk Seri Aminuddin Harun, berkata, masih ada kalangan pengeluar atau penternak enggan mematuhi harga ayam pada kadar RM8.90 sekilogram (kg) ditetapkan kerajaan atas alasan kos operasi yang tinggi.

Katanya, laporan meny-

takan kenaikan harga ayam berpunca kenaikan harga makanan ternakan itu.

"Penetapan harga itu dipercayai tidak dapat menampung kos operasi pengeluar dan penternak dan ini sudah tentu akan memberi kesan dari segi bekalan ayam seperti mana yang berlaku membabitkan kekurangan bekalan telur ayam ketika ini.

"Saya khuatir bekalan ayam pula akan berkurangan pada minggu-minggu

akan datang susulan penetapan harga ini.

"Jadi kita minta perkara ini dibincangkan di peringkat kementerian bersama pembekal makanan, penternak dan pengusaha supaya mencari jalan penyelesaian, mencari titik noktah di mana sebenar kosnya," katanya.

Aminuddin berkata, kerajaan negeri tidak mampu untuk mem-

"Kita minta perkara ini dibincangkan di peringkat kementerian"

Aminuddin



berikan subsidi kepada pengguna dan ini pastinya akan membebankan rakyat keseluruhannya.

Dalam tinjauan ke beberapa pasar sekitar daerah ini semalam, mendapati rata-rata peniaga menetapkan harga ayam sekitar RM8.50

sehingga RM8.90 namun ada segelintir daripadanya menjual RM9.00 sekilogram.

Sebelum ini, media melaporkan Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi berkata kerajaan menetapkan harga runcit bagi ayam standard pada RM8.90 berkuat kuasa Sabtu lalu hingga 5 Jun depan bagi menjamin kestabilan harga ayam dan harga makanan berikutan.

Elak manipulasi harga



PEKERJA ladang Muhammad Haikal Zakari, 21, memeriksa sebahagian 16 ribu ekor ayam yang ditenak di sebuah ladang di Kampung Pelam, Telemong hari ini. Kementerian Pertanian dan Industri Makanan (Mafi) memberi amaran kepada semua rantaian pengedaran iaitu di peringkat pengeluar, pengilang, pemborong serta peruncit bagi bekalan ayam dan telur ayam supaya tidak memanipulasi harga bahan makanan berkenaan sehingga membebankan pengguna. Timbalan Menteri Pertanian dan Industri Makanan II Dr Nik Muhammad Zawawi Nik Salleh berkata kerajaan akan mengambil tindakan tegas sekiranya ada antara mereka cuba mengambil kesempatan berbuat demikian dengan meletakkan harga lebih tinggi daripada yang dibenarkan kerajaan.



YAAKOB menunjukkan guni dedak yang semakin mahal ketika ditemui di Kampung Sulir, Segamat semalam.

Penternak mahu kerajaan campur tangan

Harga dedak ayam naik melambung

Oleh FARAHWAHIDA AHMAD

SEGAMAT – Isu harga ayam dan telur ayam masih belum reda, timbul pula isu harga dedak ayam yang kembali melambung tinggi sejak akhir-akhir ini.

Seorang penternak, Yaacob Isam, 64, berkata, dia yang sudah lebih lima tahun menternak ayam merasa terkesan dengan kenaikan harga makanan ruji haiwan ternakannya itu.

"Isu harga dedak naik ini bukanlah isu baharu. Sejak wabak Covid-19 melanda negara dan Perintah Kawalan Pergerakan (PKP) dilaksanakan dari tahun 2020, harga dedak tidak menentu dan sentiasa naik.

"Bila kita tanya penjual dedak ini, mereka kata dedak diimport dari negara luar. Bila PKP, banyak stok tidak dapat masuk negara

kita. Jadi kos import membuatkan harganya mahal.

"Dulu seguni dedak 50 kilogram (kg) berharga RM98. Sekarang, seguni berharga RM144. Naik dalam 40 hingga 50 peratus," katanya ketika ditemui di kediamannya di Kampung Sulir di sini semalam.

Menurut Yaacob yang menternak ayam kampung itu, dia juga terpaksa menaikkan harga ayam tersebut sebanyak RM2 iaitu RM19 sekilogram berbanding RM17 sekilogram sebelum ini.

Di samping itu, dia juga mengakui terpaksa mencatu pemberian dedak ini kepada ayam ternakannya kerana tidak mampu menanggung kos dedak yang terlalu tinggi.

"Sebelum PKP, saya mem-bela 2,000 ekor ayam. Saya akan menggunakan dua kampak dedak

setiap hari untuk diberi makan kepada ayam ternakan.

"Namun sekarang tinggal 800 ekor ke 1,000 ekor ayam sahaja yang mampu saya bela. Saya hanya mampu guna setengah atau satu kampak beg dedak sahaja. Permintaan terhadap ayam kampung juga berkurangan kebelakangan ini.

"Apabila terpaksa catu dedak ayam ini, tumbesaran ayam juga lambat. Jadi saya memang mengalami kerugian dari segi modal pembelian dedak ayam dan tempoh matang jualan ayam ini," katanya.

Tambahnya lagi, kerajaan perlu bertindak segera dengan mengambil alih penjualan dan pengedaran makanan ternakan ini bagi mengawal harga silingnya yang tidak menentu bagi elak kekurangan ayam nanti.

Pemborong cuma dapat telur gred E dan F sahaja

KUALA TERENGGANU – Kekurangan bekalan telur ayam yang masih meruncing memaksa pemborong hanya dapat mengedarkan jenis gred rendah di pasaran.

Seorang pemborong, Jason Tan berkata, telur ayam diterimanya hanya gred E dan F daripada pembekal sejak beberapa minggu lalu.

"Pembekal dari Melaka dan Selangor hanya hantar 12,000 papan telur ayam gred E dan F setiap seminggu.

"Ikutkan telur gred itu saiznya sangat kecil dan kualitinya tidak berapa elok tetapi men-

dapat permintaan tinggi daripada pengusaha kedai makan dan restoran," katanya ketika ditemui di gudangnya di Kampung Gong Klat di sini semalam.

Jason berkata, peniaga kedai makan dan restoran terpaksa membeli telur ayam gred E dan F kerana itu sahaja pilihan yang ada pada masa ini.

Ujarnya, dia juga terpaksa hadkan penjualan kepada 2,000 papan telur ayam sehari bagi mengelakkan bekalan terputus sepenuhnya.

"Ramai merungut tidak dapat stok, tetapi itulah realitinya," jelasnya.



JASON sedang menyusun bekalan telur gred E dan F di gudangnya di Kampung Gong Klat, Kuala Terengganu semalam.

Pengusaha kurangkan bekalan ayam bagi tampung kos operasi

MERSING – Gara-gara harga dedak naik mendadak, beberapa pengusaha ayam segar di negeri ini terpaksa mengurangkan bekalan ayam yang dipelihara di ladang bagi mengurangkan kos operasi.

Pengusaha ayam di Kampung Makam Mersing, Muhammad Siddiq Mohd. Sokran, 27, berkata, peningkatan kos termasuklah dari segi makanan ayam dan juga bekalan benih ayam ekoran harga ayam yang tidak boleh dijangka kenaikan dan penurunannya.

Ujarnya, rata-rata penternak mengalami tekanan kerana peningkatan kos penjagaan ayam yang juga perlu diambil kira.

"Kos operasi bagi setiap penternak berbeza bergantung kepada permintaan ayam di kawasan tersebut dan juga pengurusan kandang itu sendiri.

"Kebanyakan penternak hanya untung RM1 hingga RM1.20 setiap kilogram ayam, manakala kos operasi juga bergantung kepada jumlah ternakan dan tahap penjagaan ayam itu sendiri.

"Harga dedak pula sekarang memang sangat menjelaskan kami sebagai penternak. Ada yang terpaksa kurangkan jumlah



MUHAMMAD SIDDIQ (kiri) melihat ayam peliharaan di ladangnya di Kampung Makam Mersing, Mersing semalam.

ayam yang dipelihara sebab tak mahu tanggung kerugian," katanya kepada Kosmo semalam.

Muhammad Siddiq berkata, dia terpaksa memelihara 2,500 ekor ketika ini berbanding sebelum ini antara 4,000 hingga 5,000 ekor.

Bagi penternak ayam di Felda Lok Heng Timur Kota Tinggi, Borhanuddin Samsudin, 29, pula berkata, kerajaan perlu mengambil berat terhadap penternak ayam yang ada.

Katanya, sekiranya tiada penternak maka bekalan ayam juga akan tiada di pasaran.

"Kerajaan perlu pantau harga dedak sekiranya harga dedak tinggi penternak akan terjejas dan kemungkinan ramai penternak yang tidak mahu bela ayam lagi.

"Bukan itu sahaja benih ayam juga kini susah untuk dapat kerana harganya yang semakin tinggi seekor RM3 sukar untuk dapat harga RM2," jelasnya.

TARIKH	MEDIA	RUANGAN	MUKA SURAT
8.2.2022	SINAR HARIAN	BISNES	30

Ketiadaan stok telur ayam tidak sepatutnya berlaku



BICARA BISNES
MEOR SHAHROM
ZAINUDDIN

RASA lega para peniaga atau penjaja makanan tidak berpanjangan walaupun berita baik bahawa kerajaan mengumumkan kawalan harga telur bermula 5 Februari hingga 5 Jun 2022.

Ini kerana di sebalik kisah kawalan harga, timbul pula isu stok barang makanan utama iaitu telur semakin susah didapati malah tiada ada langsung stok barang makanan berkenaan bagi

kawasan luar bandar.

Sepatutnya pihak berkuasa mempunyai langkah ke hadapan iaitu dua atau tiga pelan tindakan mendahului iaitu mencium sikap helah pengeluar atau pemborong ibarat kata menteri jangan cuba-cuba 'bermain di luar padang', amaran Dr Nik Muhammad Zawawi Salleh baru-baru ini.

Masalah ini bukannya baharu malah ianya berulang-kali berlaku sejak puluhan tahun lagi dan sepatutnya pihak berkuasa mempunyai lebih pengalaman, bermaklumat dan pakar penyiasat yang konsisten selain kuasa di tangan untuk menangani isu berkenaan.

Telur merupakan sumber protein utama dan dilihat antara bahan makanan termurah bagi semua golongan terutama pendapatan

rendah dan sederhana di negara ini.

Ini kerana setiap makanan utama rakyat contohnya nasi lemak, roti canai telur, kuih-muih semuanya membabitkan bahan berkaitan telur.

Sehubungan itu ketiadaan stok amat merusunkan bukan sahaja kepada peniaga malah kepada pengguna yang terpaksa berbelanja lebih untuk mendapatkan sumber protein lain.

Sampai bilakah rakyat akan ditenangkan dengan pengumuman yang bersifat sementara seperti kerajaan akan pantau, satu jawatankuasa akan dibentuk dan segala macam tindakan susulan oleh pihak berkuasa.

Pihak berkuasa perlu bertindak pada peringkat pengeluaran, pengumpulan dan

bukannya hanya pada peringkat kawalan harga kerana harga telah memasuki peringkat akhir pengguna dan ada kalanya terlewat untuk diperbetulkan sehingga masih ada mainan harga pada pembeli.

Patutlah Kongres Kesatuan Sekerja Malaysia (MTUC) mendesak Majlis Pemulihan Negara untuk bertindak lebih pantas dalam membendung peningkatan ketara harga barang dan kekurangan stok yang semakin menyusahkan orang-ramai.

Malah MTUC berharap KPDNHEP bertindak lebih pro-aktif bagi mengawal kenaikan harga barangan makanan asas sejak dahulu lagi. Sama-sama kita fikirkan...

** Meor Shahrom ialah Ketua Meja Bisnes*

TARIKH	MEDIA	RUANGAN	MUKA SURAT
8.2.2022	SINAR HARIAN	CETUSAN	17

Bijak urus sisa buangan haiwan



PERSPEKTIF
DR HALIZA ABDUL RAHMAN

Kaji selidik Jabatan Perkhidmatan Veterinar mendapati sebanyak 47 peratus isi rumah di Malaysia mempunyai haiwan peliharaan. Antara yang popular ialah kucing.

Membela kucing juga sangat istimewa kerana bukan sahaja sebagai terapi, malah membentuk diri kita agar menjadi seorang bertanggungjawab dan berdisiplin. Bagi yang tidak mempunyai ramai kawan, memiliki haiwan kesayangan berupaya memenuhi keperluan sosial diri khususnya dalam meningkatkan rasa harga dan keyakinan diri.

Namun, kita bertanggungjawab ke atas kebajikan haiwan tersebut termasuk pengurusan sisa najisnya. Walau semahal, secantik dan secomel mana sekalipun seekor kucing, najis mereka tetap akan berbau. Natijahnya, najis kucing akan dibuang secara tidak terurus dan tidak sempurna, berselerakan di kawasan

sekitar menyebabkan bau busuk, apatah lagi jika dibawa angin, selain dihantui masalah lalat. Lantaran itu, Agensi Perlindungan Alam Sekitar (EPA) menganggap najis haiwan sebagai 'pencemar sumber tanpa titik'.

Maka, disyorkan agar kotak najis kucing disediakan. Bahan bersesuaian hendaklah disediakan dengan kedalaman yang mencukupi. Sebarang najis haiwan peliharaan hendaklah dibuang segera dan dihapuskan dengan selamat serta bersih.

Paling utama, pasir kucing perlu sentiasa dibersihkan dan tidak dibiarkan kotor. Sangkar atau litter box yang menjadi tempat pembuangan najis kucing boleh menjadi tempat pengumpulan pelbagai bakteria. Hakikatnya, kucing merupakan haiwan pembersih dan cerewet. Jika pasir kucing terlalu kotor dan tidak dibersihkan, mereka tidak akan menggunakannya. Jika mempunyai kucing lain, pastikan satu bekas najis untuk setiap kucing disediakan.

Bau tidak menyenangkan juga akan wujud sekiranya tidak dibersihkan secara berkala. Bekas najis perlu dibersihkan sekurang-kurangnya sekali sehari, dinyahkuman sekali seminggu dan dibasuh setiap dua minggu. Kualiti pasir juga penting supaya dapat memerangkap

bau dan menggumpal sisa buangan agar persekitaran kediaman tidak berbau dan selesa, selain menggunakan alternatif pasir dengan bau-bauan seperti lemon atau lavender.

Bahan semula jadi yang mudah didapati di rumah seperti daun pandan dan serai juga boleh digunakan bagi menghilangkan bau haiwan peliharaan dan najisnya selain berkesan menghalau serangga seperti lalat, semut dan lipas.

Kaedah lain adalah dengan mewujudkan pengaliran udara yang baik dengan membuka tingkap. Elak meletak sangkar atau litter box haiwan peliharaan dalam kawasan tertutup kerana udara yang tertutup dan kedap menggalakkan kewujudan bau tidak menyenangkan.

Jika mempunyai bajet lebih, anda disarankan membeli kotak pasir kucing yang boleh membersihkan pasir telah digunakan secara automatik seperti Tong Bokashi iaitu inovasi dari Jepun mengitar semula najis binatang peliharaan seperti kucing.

Paling membimbangkan, sesetengah kucing mungkin menjadi perumah kepada parasit toxoplasma yang boleh menyebabkan manusia dijangkiti penyakit toxoplasmosis jika terdedah kepada najisnya. Wanita hamil dengan jangkitan ini

boleh mengalami keguguran, kelahiran pramatang, penyakit kronik dan kebutaan pada bayi baru lahir.

Maka, sentiasa mencuci tangan dengan betul selepas mengumpul najis, walaupun memakai sarung tangan pakai buang bagi mengurangkan kemungkinan penyebaran kuman.

Pengurusan dan pembuangan sisa najis yang tidak sempurna turut menyebabkan manusia berpotensi dijangkiti parasit Blastocystis kerana menyentuh najis haiwan boleh mencemari tangan atau anggota tubuh badan lain.

Bakteria dan parasit lain yang boleh bertahan dalam najis kucing termasuk cacing pita, Salmonella, Giardia dan Escherichia coli (E.coli). Sisa najis yang masih melekat pada badan haiwan juga dapat disebarkan kepada manusia melalui hubungan langsung dengan haiwan secara sentuhan dan belaian terhadap haiwan peliharaan.

Maka, uruslah najis haiwan kesayangan dengan berhemah.

**Profesor Madya Dr Haliza Abdul Rahman ialah Ketua Laboratori Belia Dalam Kepimpinan, Politik dan Kewarganegaraan Institut Pengajian Sains Sosial (IPSAS) Universiti Putra Malaysia*

PENURUNAN HARGA SILING AYAM SEGAR

Kerajaan **cakna** keluhan rakyat

Oleh Nurul Hidayah
Bahaudin, Hazira Ahmad
Zaidi & Mohamed Farid
Noh
am@hmetro.com.my

Kajang

Penurunan harga siling ayam sebanyak 20 sen setiap kilogram yang berkuatkuasa Sabtu lalu membantu mengurangkan beban rakyat terutama golongan berpendapatan rendah (B40).

Seorang pelukis, Mohamad Noor Haikal Samsudin, 36, berkata, ada banyak manfaat diperolehnya yang tergolong dalam B40 dengan penurunan makanan asas itu.

"Ketika ini, ekonomi tidak menentu dan ramai orang tengah bergelut untuk kelangsungan hidup. Langkah kerajaan menurunkan harga ayam yang juga makanan asas adalah tindakan bijak dalam meringankan beban rakyat.

"Contohnya saya sendiri membeli dua hingga tiga ekor ayam setiap bulan dengan anggaran harga sebelum ini kira-kira RM34 untuk dua ekor ayam.

"Walaupun pengurangan harga itu tidak begitu drastik namun jumlah yang sedikit itu dapat dijamin untuk membeli barangan keperluan lain," katanya yang ditemui di sebuah pasar raya, di sini, semalam.

Mohamad Noor Haikal berkata, beliau berharap harga ayam akan dapat terus dikawal bagi memastikan ia tidak melonjak semula menjelang musim perayaan.

"Tidak lama lagi, kita akan menyambut bulan Ramadan dan Aidilfitri. Saya harap harga ayam akan terus terkawal dan tidak meningkat ketika tempoh itu (perayaan).

"Pada masa sama, saya harap isu bekalan ayam juga dapat diselesaikan memandangkan ada sesetengah tempat menghadkan pembelian ayam dengan alasan kekurangan bekalan," katanya.

Sementara itu, seorang lagi pengunjung pasar raya berkenaan, Nur Syafiqah Sidek, 31, berkata, penurunan harga siling itu amat membantu terutama bagi golongan yang memerlukan.

"Saya membeli ayam dua minggu sekali kerana ia adalah makanan harian bagi



PENIAGA di Pasar Wakaf Che Yeh menjual ayam pada harga RM8.90 sekilogram bagi ayam standard yang disarankan pihak berkuasa. - Gambar NSTP/NIK ABDULLAH NIK OMAR

keluarga kami. Dengan penurunan harga itu, kami mendapat manfaat apabila dapat membelinya dengan harga lebih murah berbanding sebelum ini.

"Sebagai pengguna, pastinya saya tidak mahu harga ayam terus meningkat kerana akan ada perasaan serba salah untuk membeli memandangkan harganya mahal.

"Justeru itu, saya harap kerajaan akan terus membantu rakyat dalam memastikan harga ayam mampu untuk dibeli pada harga berpatutan pada jangka masa panjang," katanya yang juga seorang juruteknik.

Sebelum ini, media melaporkan Mesyuarat Khas Majlis Tindakan Sara Hidup Negara (NACCOL) mengenai Industri Pengeluaran Makanan memutuskan harga runcit maksimum bagi ayam standard dikurangkan sebanyak 20 sen kepada RM8.90 daripada harga siling RM9.10 yang ditetapkan.

Sementara itu, di Kota Bharu, pengguna menyambut baik keputusan kerajaan yang menetapkan harga siling bagi ayam standard RM8.90 sekilogram memandangkan harga dijual sebelum ini mengalami turunkan sehingga membebankan mereka.

Tinjauan di Pasar Wakaf



Peniaga makanan yang juga pengguna utama ayam segar turut terjejas apabila harga ayam mendadak naik kepada hampir RM11 sekilogram sebelum ini"

Mohamad Izam

Che Yeh mendapati kebanyakan pengguna amat berharap agar harga siling bagi sekilogram ayam dapat dikurangkan lagi berikutan kos sara hidup yang semakin meningkat selain banyak barangan keperluan lain yang turut sama mengalami kenaikan harga.

Kakitangan kerajaan, Nina Farhana Ishak, 33, berkata, dia yang mempunyai ahli keluarga ramai menyambut baik harga siling

ayam standard dikurangkan 20 sen dan walaupun nilainya kecil, ia membantunya untuk berjimat.

"Penurunan harga ini banyak membantu mengurangkan kos perbelanjaan harian kerana harga ayam dijual sebelum ini sentiasa mengalami turun naik dan ada yang dijual sehingga RM10 sekilogram sekali gus menyebabkan pengguna dalam dilema sama ada mahu membelinya ataupun tidak.

"Bagaimanapun, saya berharap harga siling ayam ini dapat diturunkan lagi dan pada masa sama, pihak berkuasa khususnya Kementerian Perdagangan Dalam Negeri dan Hal Ehwal Pengguna (KPDNHEP) perlu sentiasa melakukan pemeriksaan dan pemantauan harga bagi memastikan tidak ada peniaga yang mengambil kesempatan menaikkan harga ayam dengan sesuka hati," katanya ketika ditemui di Kota Bharu di sini, semalam.

Pesara kerajaan, Ahmad Zaidi Mohd Noor, 61, bersyukur kerana kerajaan mengambil serius menangani harga barang keperluan di sebabkan kos sara hidup rakyat kini semakin meningkat.

"Alhamdulillah, kerajaan mengambil cakna dengan keluhan rakyat kini semakin terbeban dengan kenaikan

harga barang keperluan harian, malah ada antara mereka yang berdepan dengan pelbagai kemelut untuk menara keluarga ketika negara dilanda pandemik Covid-19.

"Sebelum ini, harga ayam naik berterusan dan hanya ada kalanya turun sedikit, dan saya berharap agar penurunan harga siling ayam ini dapat dikekalkan secara konsisten dengan kawalan harga bermula daripada pedagang sehingga peniaga," katanya.

Sementara itu, suri rumah Rosnah Wan Isa, 77, berkata, penurunan harga siling ayam standard memberi sedikit kelegaan kepadanya yang setiap hari berbelanja barang basah di pasar berdekatan.

"Saya berterima kasih atas keprihatinan kerajaan dalam membantu mengurangkan beban ditanggung rakyat dan dalam masa sama, turut berasa gembira apabila harga ayam turun walaupun tidak banyak.

"Sepanjang tempoh harga ayam naik dan turun, saya tetap juga membeli ayam kerana hidangan lauk ayam menjadi menu wajib bagi cucu-cucu setiap kali mereka menjamu selera dan apabila harga siling ayam turun, bolehlah saya berjimat sedikit," katanya.

Manakala di Johor Bahru

pula, usaha kerajaan menstabilkan harga ayam segar di pasaran menerusi subsidi sehingga kos pengeluaran ayam kembali rendah dan stabil, dihargai pengguna di bandar raya ini.

Pengguna di bandar raya ini turut berharap supaya subsidi selama 121 hari sehingga 5 Jun nanti dengan penetapan harga siling ayam segar kepada RM8.90 sekilogram itu, diteruskan sehingga harga bahan mentah itu benar-benar stabil.

Pekerja swasta, Nor Azura Mohd Amin, 34, berkata langkah kerajaan menstabilkan harga ayam segar menerusi subsidi itu adalah usaha terpuji yang membuktikan keluh kesah rakyat didengari.

"Kenaikan harga ayam yang sebelum ini mencecah hampir RM10.50 sekilogram amat membebankan pengguna berikutan ia antara bahan mentah yang menjadi pilihan kebanyakan keluarga.

"Apabila harga siling ayam segar ditetapkan pada RM8.90 sekilogram, ia sedikit sebanyak melegakan pengguna berikutan hampir setiap bulan kenaikan harga bahan mentah itu berlaku.

"Saya dan pengguna lain berharap supaya harga siling ayam diturunkan lagi ke paras RM7.50, bagi meredakan tekanan pengguna, namun jika ia tidak dapat dilakukan, subsidi serta harga siling itu perlu dilanjutkan lebih lama," katanya ketika dihubungi.

Dalam pada itu, peniaga makanan, Mohamad Izam Seran, 50, turut memuji langkah kerajaan menstabilkan harga ayam segar di pasaran.

"Peniaga makanan yang juga pengguna utama ayam segar turut terjejas apabila harga ayam mendadak naik kepada hampir RM11 sekilogram sebelum ini.

"Saya terpaksa menaikkan harga makanan berasaskan ayam berikutan tersepit dengan harga ayam segar yang tinggi, namun langkah menstabilkan harga ayam melegakan peniaga dan mungkin harga makanan akan diturunkan sedikit.

"Saya berharap supaya harga siling ayam diturunkan lagi berikutan menu ayam menjadi pilihan utama pelanggan kerana harganya yang mampu milik," katanya.

3,000 penternak ayam dakwa skim harga maksimum punca bekalan terjejas

Rugi RM200 juta sehari

Oleh JUANI MUNIR ABU BAKAR
juani.bakar@medianula.com.my

PETALING JAYA: Sebanyak 3,000 penternak ayam di seluruh Semenanjung kerugian RM200 juta sehari sepanjang pelaksanaan Skim Harga Maksimum Keluarga Malaysia (SHMKM) apabila menanggung kenaikan kos pengeluaran.

Bercakap kepada *Utusan Malaysia*, Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng berkata, kerugian para penternak menyebabkan mereka terpaksa menutup operasi setela-

lah tidak mampu menampung kos dan kerugian dialami pada nilai setiap kilogram ayam yang dijual.

Beliau menjelaskan, penutupan operasi tidak dapat dielakkan itu adalah antara punca kekurangan stok bekalan ayam dan telur seperti yang berlaku di seluruh negara sejak kebelakangan ini.

"Apabila kerajaan melaksanakan skim harga, harga jualan ayam kepada pengguna terpaksa dikurangkan sedangkan kos pengeluaran meningkat. Akhirnya yang tanggung kos kerugian adalah peternak, di samping itu

kita tidak terima apa-apa subsidi atau bantuan kerajaan.

"Memandangkan ada dalam kalangan peternak tidak mampu lagi tanggung kerugian, mereka akhirnya terpaksa tutup operasi perniagaan.

"Bila ini berlaku, secara langsung memberikan kesan kepada rantaian bekalan ayam di seluruh negara dan kini pun sudah berlaku kebelakangan ini," katanya.

Mesyuarat Khas Majlis Tindakan Sara Hidup Negara (NACCOL) baru-baru ini memutuskan harga maksimum runcit bagi ayam standard dikurangkan 20 sen da-

ripada harga siling yang ditetapkan sekarang menjadi RM8.90 manakala harga telur ayam semua gred kekal seperti harga kawalan SHMKM semasa bermula 5 Februari sehingga 5 Jun ini.

Sebelum itu, bermula 1 Januari hingga 4 Februari, kerajaan melaksanakan SHMKM membabitkan 12 barangan bawah kategori ayam, telur ayam dan sayuran sebagai langkah jangka pendek menstabilkan harga barang dan keberadaan bekalan dalam pasaran.

Dalam pada itu, Jeffrey membangkitkan khabar berita subsidi

seperti yang dijanjikan kerajaan kerana sehingga kini, para peternak masih belum menerima sebarang maklumat berhubung perkara itu bagi menampung kos dialami mereka.

Kata beliau, para peternak amat memerlukan subsidi tersebut supaya dapat mengurangkan beban terpaksa dapat memulihkan rantaian bekalan ayam.

"Memang kita ada berita subsidi, tetapi sehingga kini tidak dimaklumkan mekanisme dan waktu tempoh akan disalurkan kepada para peternak," katanya.

Tak berbaloi jual ayam RM8.90 sekilo

SEREMBAN: Keputusan kerajaan menurunkan harga ayam standard kepada RM8.90 sekilogram yang berkuat kuasa 5 Februari lalu menjejaskan pendapatan penjual ayam segar kecil-kecilan.

Tinjauan di beberapa gerai jualan ayam segar di Sikamat di sini mendapati, setiap kilogram ayam segar dijual pada harga RM9.30.

Salah seorang peniaga, Mohd. Redhwan Kamaruddin, 39, berkata, sebagai peniaga kecil di tepi jalan, dia terpaksa menjual pada harga tersebut bagi membolehkannya mendapat sedikit keuntungan.

Katanya, memandangkan harga daripada pembekal adalah RM8.50 sekilogram, tidak berbaloi untuknya menjual pada harga RM8.90 sekilogram seperti yang ditetapkan kerajaan.

"Susah untuk kami yang berniaga kecil-kecilan ini untuk jual ayam pada harga tersebut. Berapa sahaja yang dapat kami peroleh dengan harga tersebut kerana kami juga perlu menanggung kos-kos lain seperti kos pekerja dan pengangkutan.

"Jangan bandingkan harga kami dengan pasar raya kerana keuntungan mereka boleh ditampung dengan jualan barang-barang lain. Mereka juga kebanyakannya jual ayam sejuk beku dan bukan ayam segar seperti kami.

"Saya harap kerajaan mencari jalan penyelesaian dalam isu harga ayam ini namun jangan jadikan kami peniaga kecil-kecilan sebagai mangsa keadaan. Selesaikan masalah yang bermula di peringkat ladang lagi," katanya ketika ditemui di sini semalam.

Sebelum ini, Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi memaklumkan, langkah intervensi kerajaan menetapkan harga runcit bagi ayam standard pada RM8.90 berkuat kuasa Sabtu lalu hingga 5 Jun ini adalah bagi menjamin kestabilan harga ayam dan harga makanan berkaitan.

Sementara itu, bagi golongan pembeli, mereka menyambut baik langkah kerajaan tersebut namun mengakui memahami keadaan sekiranya ia dijual pada harga yang lebih sedikit berbanding yang telah ditetapkan.

Seorang pembeli di Seremban 2, Mohd. Zahadi Yusran, 43, berkata, sebagai pengguna, dia mahu membeli ayam segar dengan harga yang lebih rendah.

"Sekiranya harga yang dijual naik sedikit kami faham kerana ayam itu dijual peniaga secara segar dan telah dibersihkan. Sebagai pengguna tentunya saya harap agar kerajaan dapat kalkan harga sebegini," katanya.



PENIAGA ayam terpaksa menghadkan jualan berikutan bekalan yang berkurangan di Kuala Terengganu dalam tinjauan semalam. - UTUSAN/TENGKU DANISH BAHRI TENGKU YUSOFF

Pemborong ayam tutup operasi gara-gara tiada bekalan

KUALA TERENGGANU: Isu kekurangan ayam di daerah ini makin meruncing hingga memaksa segelintir pemborong menghentikan sementara operasi perniagaan mereka gara-gara tiada bekalan.

Kedua itu sekali gus menghimpit golongan peniaga kedai makan yang kini buntu mencari stok ayam di merata-rata tempat.

Pemilik Mek Jang Cafe, Norharizan Hassan, 43, berkata, pemborong lazimnya di Pasar Cabang Tiga di sini menutup perniagaan selama tiga hari sejak Jumaat lalu disebabkan ketiadaan ayam daripada pembekal.

Katanya, penutupan kedai

pemborong ayam itu turut dikesan di sekitar Pulau Rusa dan di Simpang Tokku.

"Sebelum ini, saya cuma bergantung kepada satu pemborong tetapi kini terpaksa mencari hingga tiga pemborong untuk dapatkan bekalan. Setiap malam saya rungging memikirkan mahu cari ayam di mana kerana memerlukan sehingga 40 ekor sehari bagi melancarkan perniagaan kedai nasi ganja yang diusahakan," katanya kepada *Utusan Malaysia* semalam.

Sebelum ini, Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid memberi jaminan

isu gangguan bekalan ayam dan telur di pasaran dapat diselesaikan akhir bulan ini.

Sementara itu, seorang peniaga ayam yang ingin dikenali sebagai Rusli Abdullah, 37, berkata, bekalan ayam yang diterima hari ini berkurang kepada 300 ekor berbanding kebiasaan 600 ekor.

"Sudah lebih seminggu lalu berlarutan, namun semakin meruncing hujung minggu ini. Saya tidak dapat memenuhi permintaan pelanggan tetap yang sudah biasa menempah 150 ekor ayam kerana mahu memastikan orang lain juga boleh membeli," katanya.

KRONOLOGI KARTEL DAGING SEJUK BEKU

23 November 2020

SHAH ALAM - Persatuan Pengguna Islam Malaysia (PPIM) mendedahkan pernah menerima maklumat berkaitan pengimportan daging sejuk beku dari negara yang diragui status halalanya. Ketua Aktivistanya, Datuk Nazzim Johan berkata, isu berkenaan jika dibiarkan akan memberi kesan besar kepada pengguna Islam.

1 Disember 2020

JOHOR BHARU - Taktik jahat kartel yang menyeludup daging sejuk beku dari China, Ukraine, Brazil dan Argentina sebelum membungkus semula daging tersebut dengan logo halal dan menjualnya ke pasaran seluruh Malaysia terbongkar dalam serbuan bersepadu pihak berkuasa di sebuah gudang di Senai.

Hasil risikan Jabatan Perkhidmatan Kuarantin dan Pemeriksaan Malaysia (Majqs), kartel berkenaan yang dipercayai menyamar sebagai syarikat pembekal daging sejuk beku telah menjadikan gudang berkenaan sebagai lokasi untuk membuat label dan cap palsu yang kemudiannya ditanam pada kotak daging yang telah dibungkus semula itu.

4 Disember 2020

JOHOR BHARU - Pembongkaran secara eksklusif *Sinar Harian* berkaitan kegiatan kartel daging sejuk tidak halal sejak menemui satu lagi kejutan menggegemarkan.

Siasatan pihak berkuasa mendapati gudang haram yang dikenakan tindakan sita dalam serbuan pihak berkuasa sebelum ini bukan sahaja membungkus semula daging sejuk beku dari sumber yang tidak sah malah turut menerima kemasukan daging babi di situ.

5 Disember 2020

JOHOR BHARU - Kementerian Perdagangan Dalam Negeri dan Hal Ehwal Pengguna (KPDNHEP) mengesyaki lebih 30 buah pusat

pengedaran di negara ini mempunyai kaitan dengan sebuah gudang kartel daging sejuk beku yang digempur pihak berkuasa di Senai. Pengarah Penguat Kuasa KPDNHEP Putrajaya, Datuk Iskandar Halim Sulaiman berkata, pihaknya menjalankan siasatan dengan mengumpulkan maklumat berkaitan.

26 Disember 2020

JOHOR BHARU - Kerajaan perlu menyiasat dakwaan kakitangan dan pegawai kerajaan mendapat habuan wang dan seks daripada kartel import daging yang melakukan pemalsuan logo halal bagi memastikan mereka bebas menjalankan aktiviti haram.

Timbalan Pengerusi Parti Keadilan Rakyat (PKR) Johor, Jimmy Puah Woe Tse berkata, ini kerana apa yang dilakukan sindiket kartel tersebut dan pegawai kerajaan terlibat sangat berat kesalahannya, tidak bertanggungjawab dan mencemar nama baik industri halal negara.

28 Disember 2020

KUALA LUMPUR - Kerajaan memberi komitmen akan menangani isu pengimportan daging yang diragui secepat mungkin, termasuk menimbangkan penubuhan Suruhanjaya Siasatan Diraja (RCI) bagi menyiasatnya. Menteri di Jabatan Perdana Menteri (Hal Ehwal Agama), Senator Datuk Seri Dr Zulkifli Mohamad Al-Bakri berkata, perbincangan mengenainya telah dimulakan.

29 Disember 2020

SHAH ALAM - Senator Datuk Seri Dr Zulkifli Mohamad Al-Bakri yakin KPDNHEP dapat menangani isu kartel daging import seludup dan diragui statusnya dengan baik. Katanya, beliau berharap masyarakat dapat memberikan sokongan selain doa yang akan menemui jalan penyelesaian.



4 Januari 2021

KUALA LUMPUR - Dokumen-dokumen sebuah syarikat pengimport bahan mentah sejuk beku sejak tahun 2015, yang dipercayai terbabit isu kartel daging, dirampas. Timbalan Ketua Pesuruhjaya (Operasi) Suruhanjaya Pencegahan Rasuah Malaysia (SPRM), Datuk Seri Ahmad Khushairi Yahaya berkata, SPRM akan mengkaji semua dokumen dan akaun syarikat yang terlibat, dalam mengesan keseluruhan dalang, termasuk anggota penguat kuasa terlibat melindungi kegiatan ini.

5 Januari 2021

KUALA LUMPUR - SPRM tidak menolak kemungkinan terdapat penglibatan syarikat ternama dalam isu kegiatan kartel penyeludupan daging sejuk beku ke Malaysia. Ketua Pesuruhjaya SPRM, Datuk Seri Azam Baki berkata, siasatan menyeluruh SPRM akan dilakukan untuk membuktikan pembabitian pihak tertentu dalam kes kartel daging tersebut.

7 Januari 2021

JOHOR BHARU - SPRM Johor menahan dua pegawai Maqis Johor kerana disyaki terlibat rasuah dalam melindungi kegiatan kartel import daging haram. Kedua-dua pegawai berkenaan yang berumur 27 dan 31 tahun ditahan di Pejabat SPRM Johor bagi membantu siasatan.

18 Januari 2021

PUTRAJAYA - Seorang pengarah syarikat ditahan SPRM bagi membantu siasatan berhubung isu kartel daging haram. Menerusi satu kenyataan, SPRM berkata, penahanan itu dilakukan di Johor Bahru pada Ahad.

9 Februari 2021

JOHOR BHARU - Sebuah syarikat makanan sejuk beku, pengarah dan pengurus didakwa di Mahkamah Sesyen Johor Bahru atas 21 pertuduhan memiliki, menawarkan dan menggunakan logo halal palsu serta tanpa kelulusan bagi membekalkan daging sejuk beku pada awal Disember. Tertuduh, iaitu Syarikat LY Frozen Food Sdn Bhd, pengarahnya, Yong Chee Keong, 40, dan Tan Siew Huak, 42, yang masih bebas serta pengurus, Chong Kim Kuang, 48, mengaku tidak bersalah.

15 Mac 2021

JOHOR BHARU - SPRM Johor, mengesahkan telah menyerahkan kertas siasatan berhubung kes kartel daging di sebuah gudang di Senai dua minggu lalu. Pengarahnya, Datuk Azmi Alias berkata, pegawainya melakukan siasatan secara terperinci sejak bulan Disember tahun lalu dengan mengumpulkan bukti berkaitan.

11 April 2021

JOHOR BHARU - Polis membongkar kegiatan 19 syarikat pengedar daging sejuk beku import, termasuk yang diragui status halal, yang berkomplot mengedar lebih 1,000 tan makanan itu dengan mengaut keuntungan tahunan sehingga RM52 juta. Pengarah Jabatan Siasatan Jenayah Bukit Aman, Datuk Huzir Mohamed, berkata kesemua syarikat itu berkomplot dengan sebuah syarikat pengimport sah dari negara Brazil, yang hanya layak mengimport sebanyak 27 tan daging bagi satu permit yang dikeluarkan.

Maqis kategorikan daging sejuk beku sebagai produk berisiko tinggi

DAGING IMPORT DIKAWAL KETAT

● Susulan pendedahan *Sinar Harian* mengenai kegiatan kartel daging import pada Disember 2020, daging sejuk beku kini dikategorikan sebagai produk pertanian paling berisiko dan memerlukan pemeriksaan lebih ketat di pintu masuk negara.

● Ketua Pengarah Maqis, Shamsul Akbar Sulaiman berkata, kemasukan daging dari luar negara perlu melalui pemeriksaan penuh termasuk wajib menjalani ujian sampel manakala proses pelabelan turut melibatkan daging itu sendiri berbanding memadai meletak label di luar kotak sahaja seperti sebelumnya.

● Maqis juga memperkenalkan pas transit iaitu setiap daging sejuk beku memerlukan permohonan transit sebelum kontena terbabit ditutup hingga berada di pintu keluar bagi mengelakkan daging 'hilang' di tengah jalan.

EKSKLUSIF



MUKA 2, 3 & 4

Daging sejuk beku diperiksa ketat

Dikategori produk berisiko tinggi, perlu jalani pemeriksaan 100 peratus di pintu masuk negara

Oleh MUHAMMAD AFHAM RAMLI

PUTRAJAYA

DAGING sejuk beku telah dikategorikan sebagai produk pertanian utama paling berisiko dan memerlukan pemeriksaan 100 peratus di pintu masuk negara.

Ini susulan pendedahan eksklusif *Sinar Harian* mengenai skandal kartel daging di Senai, Johor pada Disember 2020.



SHAMSUL AKBAR

Pendedahan itu adalah hasil kerjasama pelbagai pihak termasuk Jabatan Perkhidmatan Kuarantin dan Pemeriksaan Malaysia (Maqis), Kementerian Perdagangan Dalam Negeri dan Hal Ehwal Negeri (KPDNHEP) dan Polis Diraja Malaysia (PDRM).

Ketua Pengarah Maqis, Shamsul Akbar Sulaiman berkata, peristiwa di Senai itu telah membuka mata banyak pihak termasuk Maqis sendiri untuk memperketat kemasukan daging import.

Menurutnya, selepas serbuan ke atas kartel tersebut, daging sejuk beku telah diletakkan sebagai nombor satu 'produk berisiko tinggi' bermula 1 Januari 2021.

"Dengan kata lain, bila ada isytihar kemasukan daging, kawalan kita amat ketat iaitu 100 peratus termasuklah perlu melalui ujian sampel.



Laporan muka hadapan *Sinar Harian* pada Disember 2020.

"Kita juga buat *profiling* pada produk pertanian bagi menentukan mana yang utama dan perlukan perhatian dan daging sejuk beku telah diletakkan sebagai senarai utama.

"Maqis juga telah memperketat proses pelabelan. Dulu daging sejuk beku perlu dilabel di kotak luar sahaja, tapi kini daging juga perlu melalui proses sama.

"Iu antara yang kita lakukan bagi mengelak berlakunya pe-

nyelewengan sijil halal dan sebagainya," katanya dalam wawancara bersama *Sinar Harian* di Ibu Pejabat Maqis di Putrajaya baru-baru ini.

Shamsul Akbar berkata, selain itu, Maqis juga telah memperkenalkan pas transit di mana setiap daging sejuk beku atau produk pertanian lain yang ingin ditransit ke dalam negara memerlukan permohonan sebelum kontena itu di-seal sehingga ia

berada di pintu keluar.

"Kawalan itu dibuat kerana kita tidak mahu daging hilang di tengah jalan," katanya.

Kata beliau, antara syarat utama bagi proses kemasukan produk daging sejuk beku adalah daging tersebut mesti datang dari loji penyembelihan yang sah selain disertakan dokumen sijil kesihatan serta sijil halal.

Menurut Shamsul Akbar, jika terlepas ke pasaran tempatan ia sudah tentu membimbangkan kerana status daging itu tidak diketahui sama ada halal atau berpenyakit.

"Mengenai kawalan kemasukan daging sejuk beku menjelang musim perayaan, Maqis akan terus mempertingkatkan operasi secara bersepadu. Kawalan akan dibuat dengan lebih ketat bagi mengelak kemasukan yang tidak sah," ujarnya.

Tambah beliau, pihaknya juga sentiasa bekerjasama dengan agensi penguat kuasa lain seperti KPDNHEP, kastam, PDRM dan Angkatan Tentera Malaysia.

Sorok daging di sebalik produk lain antara modus operandi penyeludup

TERDAPAT pelbagai modus operandi atau helah yang digunakan bagi menyeludup masuk produk-produk pertanian, kata Ketua Pengarah Maqis, Shamsul Akbar Sulaiman.

Antaranya kata beliau, deklarasi palsu di pintu-pintu masuk seperti membawa masuk produk pertanian tetapi diisytihar sebagai produk bukan pertanian atau produk pertanian berisiko rendah bagi mengelakkan pemeriksaan dijalankan.

"Di samping itu, terdapat juga pihak yang memalsukan dokumen seperti permit import atau eksport, sijil halal, Sijil Kesihatan Veterinar dan Sijil Fitosanitasi Tumbuhan bagi memudahkan transaksi di pintu masuk dan keluar negara.

"Maqis juga mengenal pasti cubaan penyeludupan produk pertanian tanpa sebarang dokumen dengan menyembunyikan sesuatu produk pertanian bersama produk import lain yang tidak tertakluk

kepada syarat pengimportan bagi mengaburi pegawai penguat kuasa Maqis," katanya.

Tambahnya, Maqis juga tidak menafikan ada komoditi seperti daging yang disorok di sebalik produk lain.

Jelasnya, daging itu tiada dokumen dan dibawa masuk bersama produk yang ada dokumen. Iu antara yang dikesan. Malah, bukan sahaja produk daging, barangan lain seperti beras juga ada dikesan.

"Kebiasaan dan berdasarkan kes lalu seperti di Senai, Johor dan Puchong, Selangor, daging sejuk beku secara tidak sah ini banyak dibawa masuk dari negara-negara tertentu.

"Kita percaya sindiket atau kegiatan ini dilakukan oleh syarikat yang berbeza. Bila ada peluang, mana-mana orang akan ambil peluang untuk kegiatan itu. Mungkin sebelum ini mereka terlepas dan cuba buat lagi," katanya.



Cubaan membawa masuk produk pertanian tanpa dokumen dengan cara menyembunyikannya di sebalik produk import lain sering dilakukan penyeludup.

TARIKH

MEDIA

RUANGAN

MUKA SURAT

8.2.2022

UTUSAN MALAYSIA

DALAM NEGERI

31

Babi banyak di Melaka sebab penjajah



KHALID HUSSIN

Oleh MUHAMMAD SHAHIZAM TAZALI
utusannews@mediamula.com.my

MELAKA: Populasi babi hutan yang banyak di Melaka berpunca daripada sikap penjajah yang tidak cakna dengan sensitiviti masyarakat Melayu apabila membawa masuk haiwan itu tanpa sekatan.

Bercakap kepada *Utusan Malaysia*, Pengerusi Persatuan Sejarah dan Warisan Melayu Duyong (Pesawad), Khalid Hussin berkata, kemasukan babi yang tidak terkawal menyebabkan ia membiak sekali gus menggandakan jumlah popula-

sinya dalam masa singkat.

Jelas beliau, akibatnya penduduk yang tinggal di kawasan kampung serta berhampiran habitat asal haiwan liar akan berasa terancam kerana ia sering dilihat berkeliaran dan mengganggu orang ramai.

"Jangan kata babi hutan, babi yang dimerak untuk tujuan komersial pun dibiarkan bebas sekitar tahun 1960-an dulu. Saya masih ingat pada masa dahulu, banyak babi di Bukit Godek. Habis kawasan sekitar dibuat tempat berkubang.

"Pada zaman penjajah, penternakan babi tiada sekatan serta bebas dipelihara seperti ternakan

kambing dan lembu. Bagaimanapun, pada pertengahan tahun 1970-an orang Melayu mula ada kesedaran dan membantah penternakan di kawasan bebas.

"Kerajaan juga diminta mengawal penternakan babi. Selepas itu barulah haiwan berkenaan dipindahkan ke tempat lain dan lebih terkawal," katanya ketika dihubungi.

Terdahulu, akhbar ini melaporkan, Jabatan Perlindungan Hidupan Liar dan Taman Negara (Perhilitan) Melaka telah menghapuskan sebanyak 1,287 ekor babi hutan pada tahun lalu.

Baru-baru ini, selepas hampir beberapa minggu memburu

babi hutan yang mengganggu penduduk Kampung Kelong-kong, Tanjung Kling dekat sini, akhirnya empat ekor haiwan itu tumbang dalam operasi dilakukan Perhilitan.

Tambah Khalid, kehadiran mamalia itu ke penempatan manusia juga berpunca daripada kemusnahan habitat asal, susulan kelemahan dalam aspek pengurusan hutan.

Katanya, babi hutan memiliki kemahiran untuk beradaptasi dengan persekitaran bagi tujuan kelangsungan hidup.

"Haiwan ini boleh hidup di mana-mana. Di Pulau Nangka pun banyak babi hutan," ujarnya.

Jika kerajaan tidak mempercepatkan subsidi pembelian dedak kepada pengeluar telur ayam

Oleh NOR FARHANA YAACOB

MELAKA

Penternak dan pengeluar telur ayam di negara ini mendakwa bakal gulung tikar sekiranya kerajaan tidak mempercepatkan subsidi pembelian dedak kepada mereka.

Timbalan Pengerusi Gabungan Persatuan Peladang Ternakan Malaysia, Lee Yoon Yeau berkata, melalui subsidi itu sekurang-kurangnya ia dapat menampung beban kos terpaksa ditanggung mereka berikutan kenaikan harga dedak seperti jagung, kacang soya dan minyak sawit selain terbeban dengan kos utiliti serta gaji pekerja yang meningkat.

Menurutnya, dengan kaedah itu penternak juga mampu menghasilkan lebih banyak kuantiti telur ayam berbanding sekarang, sekali gus mampu menampung permintaan telur ayam menjelang Ramadan dan Hari Raya Aidilfitri kelak.

"Sebab itu kita mohon agar kerajaan cepatkan perbincangan mengenai subsidi dedak ini. Kita tidak minta banyak, cukuplah sekurang-kurangnya dapat menampung kos dedak memandangkan kos ternakan semakin tinggi tapi harga telur ayam semakin menurun," katanya ketika ditemui di sebuah kilang memproses telur ayam di Masjid Tanah di sini pada Isnin.

Beliau berkata, di bawah Skim Harga Maksimum Keluarga Malaysia (SHMKM) berkuat kuasa 5 Februari hingga 5 Jun, harga runcit sebiji telur ayam di Semenanjung ialah 44 sen (Gred

Penternak bakal gulung tikar



Yoon Yeau ketika ditemui di sebuah kilang telur ayam di Masjid Tanah pada Isnin.

A), 42 sen (Gred B) dan 40 sen (Gred C) manakala harga di Sabah, Sarawak dan Labuan adalah bergantung kepada kawasan.

Katanya, dengan situasi penetapan harga telur tersebut, terdapat kemungkinan pengeluar ayam telur terpaksa mengurangkan hasil ternakan bagi mengurangkan kos, sekali gus mengurangkan beban kerugian ditanggung sejak dua tahun lepas yang mencecah jutaan ringgit.

"Kita nak bela banyak ayam telur pun tidak boleh sebab dedak mahal. Jadi, solusi sekarang adalah kurangkan ternak

ayam telur tapi ini akan mengakibatkan lebih 1,500 penternak dan pengeluar ayam telur gulung tikar," katanya.

Dalam pada itu, Yoon Yeau berpendapat sudah tiba masanya kerajaan mula mengurangkan kebergantungan ke atas import dedak dengan menghasilkan dedak sendiri.

"Itu antara cara kita boleh kawal harga walaupun harga dedak perlu mengikut harga ditetapkan di pasaran antara-bangsa.

"Jadi kita cadang agar kerajaan tanam jagung secara khusus bagi penghasilan dedak," katanya.

10 BERITA SINAR HARIAN PALING TRENDING

SETAKAT JAM 5 PETANG ISNIN

1 BISKUT RAYA MUNGKIN NAIK HARGA

2 BAPA MAUT, ANAK CEDERA MOTOSIKAL DIREMPUH KERETA

3 PEMANDU LORI MAUT, ENAM SELAMAT

4 PERDANA MENTERI TUNAI IMPIAN 'WARTAWAN CILIK'

5 DULU TOLAK GANJARAN WANG, KINI ENGGAN TERIMA KERETA TESLA

6 DIVIDEN TH DIUNJUR SEKITAR TIGA PERATUS

7 KHAIRY GAGAL RAYU KEPUTUSAN KES SAMAN FITNAH ANWAR

8 BERSATU TIDAK AKAN TARIK SOKONGAN TERHADAP ISMAIL SABRI

9 WARGA EMAS HILANG DALAM LADANG SAWIT DITEMUKAN SELAMAT

10 BILA PENGANTIN PANIK CARI TELUR AYAM

Gaya BUDAYA

SELASA • 8 FEBRUARI 2022

41

Ayam katik bernilai tinggi



ANTARA ayam serama peliharaan Abdul Rahman Hussin di Kampung Pulau, Simpang Empat, Arau, Perlis. - UTUSAN/MOHD. HAFIZ ABD. MUTALIB

Oleh MOHD. HAFIZ ABD. MUTALIB
hafiz.mutalib@mediamula.com.my

TELATAH ayam serama berperagakan dadanya dengan 'megah' selain keunikan serta kecantikan haiwan tersebut cukup memukau sesiapa sahaja yang melihatnya.

Jadi tidak hairanlah penggemar dan penternak haiwan tersebut begitu teruja dan sanggup meluangkan masa serta tidak kisah berhabisan ribuan ringgit demi hobi tersebut.

Malah, memelihara ayam serama juga mampu menjana pendapatan lumayan apabila harganya boleh mencecah hingga lima angka, khususnya bagi serama yang selalu berada di kedudukan teratas



ABDUL RAHMAN HUSSIN meninjau ayam serama peliharaannya.

pertandingan.

Seorang penternak ayam serama, Syed Muhamad Zaki Syed Nordin, 47, berkata, bermula sekadar suka-suka dengan memiliki sepasang ayam serama pada 2013, kini haiwan peliharaannya itu sudah lebih 250 ekor.

Pernah diberikan julukan

Raja serama peringkat Asia dalam pertandingan di Tasik Kenyir, Terengganu pada 2016, katanya daripada ratusan ayam itu, ada kira-kira 10 ekor yang paling cantik dan aktif yang digilap untuk menyertai pertandingan.

Bersambung di muka 22



PEMINAT ayam serama kerap menyertai pertandingan kecantikan ayam tersebut di seluruh negara.



Dari muka 21

"Aragon 5188 antara paling glamour, ia sudahpun menjuarai lebih 50 kali pertandingan. Keunikan Aragon 5188 terletak pada susunan bilah balungnya yang cantik, warna merah terang selain gaya apabila berada di atas meja di depan pengadil bagi sesuatu pertandingan. Apabila di atas meja, Aragon 5188 rajin mengibas," katanya kepada *Utusan Malaysia* baru-baru ini.

Syed Muhammad Zaki, dia sanggup membelanjakan lebih RM900 sebulan untuk kos makanan dan penjagaan ayam seramanya.

Keistimewaan serta keunikan ayam serama terletak pada beberapa segi antaranya kecantikan, mudah dijinakkan, keunikan bentuk badan dengan dada ke hadapan, senang dilatih dan bentuknya yang sangat menarik.

Keindahan haiwan itulah yang membuatkan para penggemar cukup teruja dengan hobi membela haiwan itu. Malah katanya ayam serama juga mendapat permintaan tinggi dengan harganya boleh mencecah sehingga RM20,000.

"Ada antara peminat ayam tersebut pernah menawarkan harga sehingga RM15,000 bagi membeli salah seekor ayam saya yang pernah menang pertandingan, namun saya masih belum sedia melepaskannya lagi.

"Setakat ini, saya sudah jual lebih 50 ekor serama dengan nilai keseluruhan sudah lebih RM100,000. Ada yang dijual dengan harga RM2,000, RM3,000 dan sehingga RM6,500.

"Menjadi satu kepuasan



ARAGON 5188 antara ayam serama peliharaan Syed Muhammad Zaki Syed Nordin yang pernah menjuarai lebih 50 kali pertandingan kecantikan ayam serama di Arau, Perlis.

AYAM SERAMA:

- » **Sangkar:** Sangkar perlu diletakkan mentol lampu.
- » **Kebersihan:** Sangkar perlu kerap dibersihkan bagi mengelakkan jangkitan kuman, hama, kutu atau kulat.
- » **Selesa:** Alas bahagian sangkar dengan permaidani untuk keselesaan dan ia perlu ditukar selalu supaya sentiasa bersih.
- » **Kemas:** Bekas makanan atau minuman perlu sentiasa dibersihkan dan diletakkan pada bahagian tepi bagi memberi ruang pada ayam melompat-lompat.
- » **Kesihatan:** Suntikan ubat cacing, vitamin tambahan bagi membantu kesihatan dan kecantikan ayam serama. Asid amino, minyak ikan, vitamin B kompleks dan sebagainya boleh diberikan sebagai makanan tambahan.



Aragon 5188 antara paling glamour, ia sudahpun menjuarai lebih 50 kali pertandingan."

bagi kami yang memelihara ayam serama selain menikmati kecantikannya sekali gus dapat melepaskan tekanan selain mendapat kepuasan yang sukar digambarkan dengan kata-kata," katanya.

ABDUL RAHMAN HUSSIN memegang ayam serama peliharaannya.



Kembali jadi fenomena

SEORANG penternak ayam serama dari Kampung Pulau, Simpang Empat, Arau, Abdul Rahman Hussin, 44, berkata, dia memperuntukkan kira-kira RM300 sebulan daripada aspek pemakanan dan kesihatan haiwan terbit.

"Ayam serama memerlukan penjagaan rapi seperti mandi, kesihatan dan sebagainya. Namun

memperlihatkan bila ia mendada cantik, ia menjadi suatu kepuasan buat saya," katanya.

Seperti penggemar ayam serama yang lain, Abdul Rahman turut gemar membawa ayamnya menyertai pertandingan. Malah dengan bangganya dia memberitahu sudah beberapa kali menang pertandingan ayam serama.

"Daripada kesemua ayam serama yang saya pelihara, kira-kira lima ekor yang saya selalu bawa masuk bertanding," katanya yang memiliki lebih 100 ekor ayam serama yang mula dipelihara sejak tiga tahun lalu.

Pengusaha harumanis itu, memberitahu ayam serama peliharaan dijual antara RM50 hingga RM1,000 seekor.

Mengulas mengenai perkembangan semasa ayam serama, katanya sejak kebelakangan ini, ia kembali menjadi fenomena di seluruh negara dengan Perlis sahaja mencatatkan kira-kira 50 penggemar serama.

MBSA holds seminar to educate on animal welfare

A SEMINAR organised by Shah Alam City Council (MBSA) to protect the welfare of strays and abandoned animals was attended by 100 participants.

Held at Concorde Hotel Shah Alam, it aimed to increase public knowledge on responsible animal ownership, particularly among its participants, who were members of the Residents Representative Councils (MPP), local authorities and Selangor State Economic Planning Unit.

MBSA said in a statement that the event exposed participants to ways that can cause animals to feel threatened as well as strategies to address issues affecting strays and abandoned animals.

Dr Khairina Akmar Khalid from

the regulatory unit of Selangor Veterinary Services Department spoke on animal ownership and welfare.

Meanwhile, Mohd Sharif Sabran from the department's enforcement unit, shared about enforcement of the Animal Welfare Act 2015 while Universiti Putra Malaysia lecturer Prof Dr Jalila Abu from the Faculty of Veterinary Medicine presented on the threats faced by strays and pets as well as related safety aspects.

The seminar was officially closed by Shah Alam mayor Datuk Zamani Ahmad Mansor.

Also present were deputy mayor Mohd Rashidi Ruslan, councillors and directors of MBSA departments.



Participants at the seminar on responsible animal ownership.